



Universitätsbibliothek Paderborn

**Roemscher Keiserlicher Ma=||iestæt vnser
allergnedigste[n] Herre[n] Ernsthaffte || Beuelhschriefften/
an beide Geistliche vnd Weltliche Stende || vnd
eyngesessen der Stadt vnd des Ertzstiffts ...**

Karl <V., Heiliges Römisches Reich, Kaiser>

[Köln], 1544

Den Ersamenn vnsern lieben Andechtigen Pröbste[n]/ Dechant vn[d]
Capittelen/ der hohen vn[d] andern Stifften/ Auch Abte[n]/ Priorn/
Conuenten/ vnd gemeiner Clerisey der Stat Cöln.

urn:nbn:de:hbz:466:1-34935

Den Ersamenn vnsern lie-
ben Andechtigen Pröbste / Decchant vñ Ca-
pittelen / der hohen vñ andern Stifften / Auch Abte / Priom /
Conuenten / vnd gemeiner Clerisey der Stat Cöln.

Carl von Gots gnaden Römischer Keyser /
zu allen zeiten Mehrer des Reichs ic.

Ersamenn lieben andechtigen / Wir sein bericht / das
sich etliche Predicanten / vnd ander der newwen Re-
ligion verwoante vñnd anhengig / in mehrerley wege
vnderstanden / vnd noch vnderstehen / Euch vñnd
gemeyne Clerisey der Stadt Cöln / von vnser alten
waren Christlichen Religion abzúwenden / vnd irer newwen Reli-
gion anhengig zú machen / Dem jr aber bissher nit stat gegeben / son-
der euch des / wie billich gewidert / vñ euch in sollichem ganz Christ-
lich vñnd woll erzeigt haben / vñnd noch täglichs beweisen sollt.
Solichs euwers wolhaltens / vñnd gúten Christlichen erzeigens /
haben wir ein ganz gnedigs wolgefallen empfangen / Vnd das von
euch mit sondern gnaden vñ erfrewung vernommē. Begeren dem
nach ganz gnedigs fleis an euch / jr wöllet dem also bestendiglich
nachkommen / Euch mit nichten da vō abweisen / noch zú eynicher
newwerig bewegē lassen / Auch euwere verwanten darzú weisen
vñ halten / dz sie gleicher weise auch bestēdig pleiben vñ verharren /
Vñ euch hierin dmaß erzeigē / wie wir vns des zú euch gētzlich ver-
sehen. So sollet jr befinden / das wir alzeit Eurer gnedigster Key-
ser seyn / vñ euch vnd gemeyne Clerisey mit allen gnaden bedencken /
vñ befolhen haben willen. Des mögt jr euch zú vns gētzlich getrō-
sten. Gebē zú Mānz / am viij. tag des Monats Augusti. Anno ic.
im xliij. vnser Keyserthumb im xliij.

Carolus.

Ad mandatum Casareae & Catholicae Maiest. proprium.

Vidit Naues.

Oberburger ff.

ij